

ROZÁRIU iha SEMANA LAUDATO SI

MISTÉRIU GOZOSOS

Mistériu I: Anju Saun Gabriel ba fó hatene Maria atu sai Maromak nian Inan

Luk: 1: 35-38

Anju hatan ba nia dehan: espiritu Santu sei tun ba o no Nai ass liu hotu nia kbiit sei hamahan o. Tan ne'e Santu ne'ebé atu moris sei hanaran An "Maromak Nia Oan" O nia feto maluk santa Isabel mós kous tiha ona oan mane ida, maske ferik ona. Ida ne'ebé ema dehan la kous, nia kous fulan ne'en ona; basá ba Maromak la iha buat ida ne'ebé la bele. Maria dehan: ne'e sa Nai nia atan ona mak ne'e halo tuir Ita liafuan ba!

Na'i Feto, harohan ba atu Ita Oan bele haraik mai ami grasa atu rona no hatan "Sim" ba Maromak, atu ami nia Sim bele dudu ami atu halo tuir Na'I nia ukunfuan ne'ebé bele halo posivel buat hotu ne'ebémoris . Tulun ami atu kompriende Ninia hakarak no Ninia domin ne'ebé kria iha kriatura ida-idak. Harohan mai ami atu ami bele sai husi ami nia tauk no ami nia hakarak, atu buat hotu ne'ebé ami halo no ami uza bele sai ida deit ho ema hotu no kriaun sira hotu.

Mistériu II: Maria Santissima ba vizita nia feto maluk Santa Isabel

Luk: 1: 41-42

Bainhira Isabel rona Maria nia lian, kosok oan book an iha nia knotak ho ksolok. Nakonu ho Espiritu Santu Isabel ko'alia ho lian makaas dehan: Ita boot di'ak liu feto hotu-hotu! Ita boot nia oan diák liu!

Na'i Feto, harohan ba atu Ita Oan bele haraik mai ami grasa atu ami bele simu no fahe Ninia liafuan moris nian ba ema hotu ,nune'e ami sai hanesan Maria ne'ebé bele hola parte iha kriatura tomak nia salvasaun

Tulun ami atu uluk nanain ami bele hatene no halo'o Ninia liafuan moris rohan laek atu liu husi ami nia moris no hahalok domin nian bele haklaken ba mundu Ita Oan Ninia gloria.

Ave Maria ita sei hananu: HBN S-48

Misteiri III: Jezus moris iha rai Belem

Luk: 2: 6-7

Wainhira sira sei iha ne'ebá , Maria nia loron atu tur ahi to'o dau-daun. Nia tur ahi Nia Oan mane boot, hodi haneras no hatoba nia iha balada han fatin, basa la iha fatin ida ba sira iha uma laran.

Na'i Feto, harohan ba atu Ita Oan atun bele haraik mai ami grasa atu hatudu ba mundu liu husi ami nia moris, ami nia hilin sira, no ami nia taumatan ne'ebé nakonu ho domin ba ema no ba buat hotu ne'ebé Nia hakiak. Tulun ami atu rona no prontu nafatin ba sira ne'ebé presiza.tulun ami atu taumatan ba kriatura hotu.

Mistériu IV: Nai Feto ba apresenta nia oan Jezus iha templu

Luk; 2: 25 -30

Na'i Feto, harohan ba atu Ita Oan bele haraik mai ami grasa rona nian no fo atensaun ba liafuan sira profeta sira ohin loron nian: - sira ne'ebé ko'alia konaba fiar, sira ne'ebé ko'alia kona edukasaun. Tulun ami atu komprende sira ne'ebé hatene konaba mistériu lialos nian ne'ebé akontese no ko'alia konaba sakrifisiu. Harohan mai ami Maria atu hanesan ita boot ami bele hasoru terus no susar sira moris loronloron nian.

Mistériu V: Jezus lakon hori loron tolu ona Ita nai feto hetan fali nia iha templu

Luk:2:46-47

Na'i Feto, harohan ba atu Ita Oan bele haraik mai ami grasa atu buka, hetan, rona, no komprende Ninia lialos. Tulun ami atu destingi lialos sira iha natureza no liu husi ema kiak no ema terus nain sira nia halerik, tulun ami nia ukun nain sira atu liu husi buat hotu ne'ebé sira halo no hanoin, tuir de'it Maromak nia hakarak. Hodi halo buat hirak ne'e ami bele moris hanesan Nia no ho ema hotu ne'ebéhaleu ami no ho kriaun tomak.

Ave Maria ita hananu:

MISTÉRIU DOLOROSOS

MISTERU I: Jezus neon sala halo orasaun iha toos Oliveira nian

Mar: 14, 34-36

Nia dehan ba sira"Hau laran susar to'o mate." Hela iha ne'e hodi hein ho matan moris ba" hakat oituan ba oin, Nia monu ba rai hodi harohan katak bele karik, oras ne'e liu tiha husi Nia. Nia dehan: Abba Aman buat hotu bele deit ba Ita. Hasai tiha kalis ida ne'e husi Hau; maibe la'os buat ne'ebé Hau hakarak , maibe buat ne'ebé Ita hakarak".

Na'I Feto harohan ba ita oan atu haraik mai ami grasa atu hatene terus ho sira ne'ebé terus, tulun ami atu hakuak ema hotu ne'ebé ema heuwai. Tulun ami atu bele muda ami ninia moris no buat hotu ne'ebé ami uza tuir ami nia egoismu, no bele sai fali sakrifisiu ida degrasa nian.

MIATERIU II: Ema Judeu sira baku Ita Nain Jesus nia isin halo mesak kanek.

Jo: 19,1

Turi mai Pilatus haruka ema lori Jezus hodi baku Nia

Na'I Feto harohan ba ita oan atu haraik mai ami grasa atu ami bele kria estrutura politika, social ne'ebé bele hatama hotu siencia sira ne'ebé respeita dignidade moris nian. Na'i Feto tulun ita nia kredo atu hamutuk ho comunidade internasional no local atu iha hakarak boot hodi tau matan ba ema hotu, refusiadu sira no ekosistema ne'ebé fo suporta ba moris atu bele buras liutan.

Mistériu III: Ema leu aitarak ba Jezus nia futar ulun

Mar: 15, 17

Sira tau ba Nia hena mean ida, no leu tiha koroo aitarak nian, tau ba Nia ulun.

Na'I Feto harohan ba ita oan atu haraik mai ami grasa atu ami hatene respeita kriatura hotu, no lialos ne'ebé Ita oan lori mai iha mundu. Tulun ami nudar pesoal, nu'udar membru sira governu nian no ema hotu atu ami bele tau matan ba ema nia dignidade.

Misteru IV Jezus lori kruz ba Kalvariu

Luk: 23, 27-28

Ema lubun boot tuir Nia, no mós feto sira ne'ebé baku sira nia hirus matan no tanis tan hanoin Nia. Maibé Jezus fila oin ba sira dehan Jerusalem nia oan feto sira, keta tanis mai Hau; maibé tanis tan imi an rasik no tan imi oan sira.

Na'I Feto harohan ba ita oan atu haraik mai ami grasa atu ami bele hatene hare no sente ema seluk nia terus hanesan mos ami nia terus.

Mistériu V Jezus mate iha Kruz

Jo, 19:33-35

Na'I Feto harohan ba ita oan atu haraik mai ami grasa atu hatene mate ba ami nia-an rasik atu nune'e ema seluk bele moris. Tulun ami atu fo ami nia moris atu mundo ne'ebé estraga daudaun bele hetan diak fila fali.

MISTÉRIU GLORIOSOS

MISTÉRIU I; Jezus mate tiha Liu loron tolu moris fali

Jo. 20: 1

Iha loron uluk semana nian, iha dadersan nakukun, Maria Madalena ba too rate hodi haree fatuk iha rate nia oin duir tiha ba sorin.

Na'i Feto harohan ba Ita Oan atu haraik mai ami grasa atu haree ba mundu nia promesa sira ne'ebé hafoun ona ho ita nia oan nia moris hias. Tulun ami atu buras iha fiar katak moris nia hun moris hias ona. Harohan ba atu ami nafatin haree Nia prezensa iha ami nia maun alin sira.

Mistériu II: Jezus sae rasik ba Lalehan

Act: 1: 7-9

Nia hatan ba sira la'os imi mak hatene tempu e oras ne'ebé Aman Maromak hakarak ho Nia kbiit rasik. Maibe wainhira Espiritu Santu tun ba imi, imi sei simu kbiit; imi sei sai Hau nia sasin iha Jerusalem, iha Judea no Samaria tomak too rai nia rohan. Dehan tiha ne'e no sira hateke hela, Jezus sae ba lalehan no kalohan ida taka Nia husi sira nia matan.

Na'i Feto harohan ba Ita Oan atu haraik mai ami grasa atu fiar ba Nia maske la haree Nia. Tulun ami atu haree relasaun entre ami nia hakaran sira iha mundu ida ne'e no Kristu ninia prezensa ne'ebé moris no ukun hamutuk ho Aman no Espiritu Santu, Maromak ida deit ba nafatin.

Mistériu III: Espiritu Santu Tun ba Maria Santissima no Apostulus sira.

Act: 2:2-4

Teki-teki, sira rona tarutu boot mai husi lalehan, hanesan anin boot halo uma laran ne'ebé sira hela ba nakonu. Sei nune'e hela sira haree buat ida mosu mai hanesan ahi lakan hodi tun ba sira ida-idak. Sira hotu nakonu ho Espiritu Santu hodi hahu ko'alia lia oi-oin nu'udar Espiritu Santu haraik ba sira atu sira bele haklaken.

Na'i Feto harohan ba Ita Oan atu haraik mai ami grasa atu simu Espiritu Santu iha ami nia moris atu nune'e hanesan ita boot ami bele haklaken Maromak nia liafuan iha buat hotu ne'ebé ami hala'o. Ho Espiritu Santu nia grasa, atu ami nia sim bele sai hanesan Ita boot nian atu haklaken Na'i nia Gloria; atu ami nia espiritu bele haksolok iha Na'i Maromak ami nia salvador no ema hotu ne'ebé hamtauk Maromak bele hetan salvasaun.

Ave Maria Ita hananu:

Mistériu IV: Na'i Maromak Hase'e Ita Nain Feto ba Lalehan**Luk: 1:30**

Anju dehan ba nia, keta tauk Maria basa o hetan rahun diak tebes iha Maromak futar oin

Na'i Feto harohan ba Ita Oan atu haraik mai ami grasa atu hetan esperansa iha ita nia gloria iha lalehan, tulun ami atu simu katak oras ne'e Ita hamutuk ona ho Liurai Lalehan nian. Na'i Feto, ita boot ne'ebé husu tulun ba ita Oan iha festa kanaan nian, tulun ami atu fiar iha ita nia uniaun ne'ebé metin ho Nia ne'ebé tuur iha Aman nia sorin kuana. Ho ida ne'e, ami entrega ba ita liman ema kiak sira ninia presiza, refujiadu sira, ema hotu nia presiza no mundu ne'e, ne'ebé fó moris ba ami tuir Maromak nia ukun fuan.

Mistériu V: Na'i Maromak haraik Gloria boot ba Maria Santissima iha Lalehan**Apoc: 12: 1**

Sinal boot ida mosu iha lalehan: Feto ida ne'ebé hafutar an ho loron, hamrik iha fulan nia leten. Fitun sanulu resin rua haleu nia ulun hanesan koroa ida.

Na'i Feto harohan ba Ita Oan atu haraik grasa ba mundu tomak atu haree iha ita nia an imajen ida kona ba lalehan foun no rai foun atu ita nia ejemplu dudu sira ne'ebé servisu iha mundu ne'e atu bele tau matan ba ema hotu no kriaun hotu.

Ave Maria: HBN: 388

MISTÉRIU ROMAN NIAN**Miateriu I: Jezus simu Batismu iha mota Jordaun**

Mrk:1: 9-11: Iha loron hirak ne'e duni mak Jezus mai husi Nazare Galileia nian, hodi simu batismu husi João iha Jordaun. Wainhira Nia sai husi be, haree kedas lalehan nakloke; no Espiritu, hanesan manu falur ida, tun ba Nia leten. Husi lalehan lian ida dehan:"O Hau nia oan doben, Hau haksolok teb-tebes iha O".

Na'i Feto harohan ba Ita Oan atu haraik mai ami grasa atu kumpri ami nia promesa batismu nian. Tulun ami atu bele oferese ami nia moris ba Maromak atu bele hela besik iha Ninia liafuan no sakramentu sira-atu Nia, liu husi ami bele tama iha umanidade nia istoria no criatura tomak atu hahi, taumatan no hafoun buat hotu. Tulun ami atu iha ami nia servisu hotu ne'ebé ami hala'o buka atu fó ksolok deit ba Maromak.

Mistériu II: Jezus tuir festa kaben nian iha Kana

Jo: 2:5-8: Maibe Nia inan dehan ba sira ne'ebé hein mesa: Halo tuir ba buat ne'ebé nia haruka. Kusi fatuk neen iha ne'ebá, tuir Judeu sira nia lisan hamos an nian; kusi ida-idak bele lori litru walu nolu ga atus ida rua nolu. Jezus lia tun ba sira: imi tau be ba kusi sira ne'e too nakonu. Sira tau be nakonu didiak too ibun. Hafoin Nia dehan ba sira: imi bele hasai ona lori ba uma nain tenda. Sira lori duni.

Na'i Feto harohan ba Ita Oan atu haraik mai ami grasa atu hatene haree buat ne'ebé ami iha hodi fahe ba hirak ne'ebé haleu ami no mós hirak ne'ebé ami seidauk hasoru. Tulun ami bele haree buat ne'ebé esensial iha ami nia moris no fó importansia ba bem komun.

Miateriu III: Jezus haklaken Maromak nia Reinu

Mar:1: 15: Tempu too ona; Maromak Nia Reino besik ona. Hakribiit imi nia sala hodi fiar liafuan diak.

Na'i Feto harohan ba Ita Oan atu haraik mai ami grasa atu fiar ba Evanjellu no desafiu sira ne'ebé mai tan Ita Oan nia liafuan. Tulun ami atu hakribiit husi ami nia hahalok aat sira no buat hotu ne'ebé iha ami nia laran ne'ebé buka de'it sasan sira mundu nian ne'ebé sei liu deit. Tulun ami atu konxente katak Maromak nia Reino iha ona ami leet. Tulun ami atu tuir Kristu; Nia mak sei lori ami ba buat ne'ebé ami hakarak, katak: Moris rohan laek hamutuk ho Maromak.

Miateriu IV: Jezus nakfilak An iha foho Tabor.

Mat: 17: 2-5: Iha ne'ebá Nia nakfilak An iha sira nia oin. Nia oin nabilan hanesan loron Nia unuk sai mutin hanesan roman. Iha oras ne'ebá Moises ho Elias mosu hodi ko'alia ho Nia. Pedru hasae lia dehan ba Jezus: Nai diak liu ita hela ona iha ne'e! Ita Boot hakarak karik, hau sei halo taka baluk tolu: ba Ita Boot ida, ba Moises ida, ba Elias ida. Nia sei ko'alia hela kalohan nabilan ida hamahan sira. Hafoin husi kalohan ne'e lia ida dehan: ida ne'e mak Hau nia Oan doben, ne'ebé fó ksolok mai Hau. Rona Nia ba!

Na'i Feto harohan ba Ita Oan atu haraik grasa mai ami atu haree Nai nia gloria iha ema seluk no kriaun hotu. Tulun ami atu la haluha katak ami nia orasun sira no hahalok karidade nian tenke dudu ami tama iha mundu ne'ebé estraga ona no hakaas an atu servisu ba dame, karidade, justisa, atu hadiak buat ne'ebé estraga ona tan sala. Tulun ami nakfilak ami nia an iha Fiar Esperansa no Domin.

Mistériu V: Jezus han ba dala ikus hodi harii Eukaristia.

Mat: 26: 26-28: Wainhira sira han daudaun, Jezus kaer Paun haraik bensaun, silu hodi fahe ba Nia eskolante sira dehan: simu no han ba: ne'e hau nia Isin. No Nia kaer kalis, fó tiha agradese, fó ba sira dehan: imi hotu hemu ba ne'e Hau nia ran moruk foun nian nakfakar ba ema barak atu kasu sala.

Na'i Feto harohan ba Ita Oan atu haraik grasa mai ami atu hela nafatin iha Nia prezensa no uniaun ho kreda. Tulun ami atu haree iha Eukaristia iha ne'ebé la'os deit salva ami maibé mós kriaun tomak. Nai Feto tulun ami atu wainhira haree Paun no tua ne'ebé oferese iha sakrifisiu misa, halo ami konxente katak buat karan ne'e mai husi ami nia kolen.

